



SLUŽBENE NOVINE TUZLANSKOG KANTONA

GODINA 23 • TUZLA, UTORAK, 27. DECEMBAR 2016. GODINE • IZDANJE NA BOSANSKOM JEZIKU • BROJ 14

977

Na osnovu člana 24. stav 1. tačka c) Ustava Tuzlanskog kantona ("Službene novine Tuzlansko-podrinjskog kantona", br. 7/97 i 3/99 i "Službene novine Tuzlanskog kantona", br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 23.12.2016. godine, d o n o s i

Z A K O N

O ZNAČAJNIM DATUMIMA I LIČNOSTIMA NA PODRUČJU TUZLANSKOG KANTONA

I. OSNOVNE ODREDBE

Član 1.

(Predmet Zakona)

Ovim zakonom utvrđuju se značajni datumi i ličnosti na području Tuzlanskog kantona (u daljem tekstu: Kanton), nosioci obilježavanja značajnih datuma i ličnosti, planiranje i realizacija aktivnosti i način finansiranja.

Član 2.

(Cilj Zakona)

Cilj ovog zakona je da se sačuva uspomena na datume i ličnosti koji su značajni za Kanton.

II. DEFINICIJE

Član 3.

(Definicije)

Pojedini izrazi koji se koriste u ovom zakonu imaju sljedeća značenja:

a) Značajni datum je datum koji označava bitno dešavanje na području Kantona koje je potrebno obilježavati;

b) Značajna ličnost je ličnost koja je svojim djelima dala izuzetan doprinos Kantonu;

c) Nosioci obilježavanja su: Skupština Tuzlanskog kantona (u daljem tekstu: Skupština Kantona), Vlada Tuzlanskog kantona (u daljem tekstu: Vlada Kantona), ministarstva, Grad Tuzla, općine Kantona i kantonalna udruženja pripadnika branilačke populacije od posebnog društvenog interesa organizovana na području Kantona za koju je teritorijalno, odnosno datumski, vezan značajan datum.

III. ZNAČAJNI DATUMI I LIČNOSTI I NOSIOCI OBILJEŽAVANJA

Član 4.

(Značajni datumi i ličnosti)

(1) Kao značajni datumi za područje Kantona utvrđuju se:

a) 11. januar, Dan održavanja regionalnog savjetovanja općinskih štabova Patriotske lige,
b) 02. februar, Dan formiranja Prve Muslimanske Podrinjske brdske brigade,

c) 01. mart, Dan nezavisnosti Bosne i Hercegovine,
d) 15. april, Dan Armije Republike Bosne i Hercegovine,

e) 06. maj, Dan odbrane Sapne „Čekić i nakovanj“,

f) 09. maj, Dan pobjede nad fašizmom,

g) 10. maj, Dan 115. Brigade Hrvatskog vijeća odbrane - Zrinski,

h) 11. maj, Dan oslobođenja Vijenca,

i) 15. maj, Dan odbrane Tuzle,

j) 22. maj, Dan policije Tuzlanskog kantona i Dan prijema Bosne i Hercegovine u Ujedinjene nacije,

k) 23. maj, Dan oslobođenja Kalesije,

l) 25. maj, Dan stradanja Tuzlanske mladosti „KAPIJA“,

m) 12. juni, Dan dobitnika najvećih ratnih priznanja i odlikovanja,

n) 11. juli, genocid nad Bošnjacima „sigurne zone“ UN-a Srebrenica,

o) 16. juli, Dan odbrane Teočaka,

p) 27. juli, Dan ustanka naroda Bosne i Hercegovine,

q) 22. avgust, Dan formiranja Tuzlanskog kantona,

r) 10. septembar, Dan spajanja II i III korpusa Armije Republike Bosne i Hercegovine,

s) 29. septembar, Dan formiranja II Korpusa Armije Republike Bosne i Hercegovine,

t) 22. oktobar, akcija Oklopnog voza,

u) 25. novembar, Dan državnosti Bosne i Hercegovine i

v) Dan šehida, drugi dan Ramazanskog bajrama.

(2) Kao značajne ličnosti na području Kantona i datumi obilježavanja godišnjice njihove pogibije utvrđuju se:

a) Mehdin Hodžić, heroj odbrambeno-oslobodilačkog rata - 10. maj,

b) Nesib Malkić, heroj odbrambeno-oslobodilačkog rata - 25. oktobar i

c) Hajrudin Mešić, heroj odbrambeno-oslobodilačkog rata - 30. oktobar.

Član 5.**(Nosioci obilježavanja)**

(1) Za obilježavanje značajnih datuma i ličnosti na području Kantona, utvrđuju se nosioci obilježavanja kako slijedi:

- a) Skupština Kantona:
 - 01. mart, Dan nezavisnosti Bosne i Hercegovine,
 - 22. avgust, Dan formiranja Tuzlanskog kantona i
 - 25. novembar, Dan državnosti Bosne i Hercegovine;
 - b) Vlada Kantona:
 - 11. juli, genocid nad Bošnjacima „sigurne zone“ UN-a Srebrenica;
 - c) Ministarstvo za boračka pitanja Tuzlanskog kantona:
 - 15. april, Dan Armije Republike Bosne i Hercegovine,
 - 10. maj Mehidin Hodžić, heroj odbrambeno-oslobodilačkog rata,
 - 25. oktobar Nesib Malkić, heroj odbrambeno-oslobodilačkog rata,
 - 29. septembar, Dan formiranja II Korpusa Armije Republike Bosne i Hercegovine i
 - 30. oktobar Hajrudin Mešić, heroj odbrambeno-oslobodilačkog rata;
 - d) Ministarstvo unutrašnjih poslova Tuzlanskog kantona:
 - 22. maj, Dan policije Tuzlanskog kantona i Dan prijema Bosne i Hercegovine u Ujedinjene nacije;
 - e) Savez patriotske lige Tuzlanskog kantona:
 - 11. januar, Dan održavanja regionalnog savjetovanja općinskih štabova Patriotske lige;
 - f) Općina Kladanj:
 - 02. februar, Dan formiranja Prve Muslimanske Podrinjske brdske brigade;
 - g) Općina Sapna:
 - 06. maj, Dan odbrane Sapne „Čekić i nakovanj“;
 - h) Savez antifašista boraca narodnooslobodilačkog rata Tuzlanskog kantona:
 - 09. maj, Dan pobjede nad fašizmom;
 - 27. juli, Dan ustanka naroda Bosne i Hercegovine;
 - i) Koordinacija hrvatskih udruga Tuzlanskog kantona:
 - 10. maj, Dan 115. Brigade Hrvatskog vijeća odbrane – Zrinski;
 - j) Općina Lukavac:
 - 11. maj, Dan oslobođenja Vijenca;
 - k) Općina Kalesija:
 - 23. maj, Dan oslobođenja Kalesije;
 - l) Grad Tuzla:
 - 15. maj, Dan odbrane Tuzle i
 - 25. maj, Dan stradanje Tuzlanske mladosti „KAPIJA“;
 - m) Savez dobitnika priznanja i odlikovanja Tuzlanskog kantona:
 - 12. juni, Dan dobitnika najvećih ratnih priznanja i odlikovanja;
 - n) Općina Teočak:
 - 16. juli, Dan odbrane Teočaka;
 - o) Općina Banovići:
 - 10. septembar, Dan spajanja II i III korpusa Armije Republike Bosne i Hercegovine;
 - p) Općina Gradačac:
 - 22. oktobar, akcija Oklopnog voza;
 - q) Savez organizacija porodica šehida – poginulih boraca Tuzlanskog kantona:
 - Dan šehida, drugi dan Ramazanskog bajrama.
- (2) Nosioci obilježavanja iz stava (1) ovog člana mogu ovlastiti i druge organe i institucije kao i udruženja

pripadnika branilačke populacije od posebnog društvenog interesa organizovanih na području Kantona, da u njihovo ime, kao nosioci aktivnosti obilježavanja, provedu aktivnosti vezane za obilježavanje značajnih datuma i ličnosti.

Član 6.**(Planiranje i realizacija aktivnosti)**

(1) Nosioci obilježavanja navedeni u članu 5. ovog zakona su obavezni da prilikom izrade budžetskih zahtjeva za narednu godinu planiraju sredstva koja su im neophodna za aktivnosti obilježavanja značajnih datuma i ličnosti.

(2) Nosioci obilježavanja iz stava (1) ovog člana, u skladu sa svojim nadležnostima, donose akte kojim uređuju godišnje programe obilježavanja, nosioce aktivnosti obilježavanja iz člana 5. stava (2) ovog zakona, način i visinu finansiranja, kao i kontrolu utrošenih sredstava.

(3) Nosioci obilježavanja obavezni su da planiraju i prate obilježavanje svih značajnih datuma i ličnosti utvrđenih ovim zakonom, te da u saradnji sa elektronskim i pisanim medijima obezbijede medijsko praćenje obilježavanja.

IV. FINANSIRANJE**Član 7.****(Sredstva za finansiranje aktivnosti)**

Sredstva neophodna za finansiranje aktivnosti obilježavanja značajnih datuma i ličnosti obezbjeđuju se iz:

- a) budžeta Kantona,
- b) budžeta Grada Tuzla,
- c) budžeta općina i
- d) drugih izvora.

V. PRIJELAZNE I ZAVRŠNE ODREDBE**Član 8.****(Drugi značajni datumi i ličnosti)**

(1) Jedinice lokalne samouprave mogu svojom odlukom utvrditi i druge značajne datume i ličnosti koji su od značaja za jedinicu lokalne samouprave.

(2) Vlada Kantona može učestvovati u organizaciji i obilježavanju značajnih datuma i ličnosti od značaja za jedinicu lokalne samouprave.

Član 9.**(Prestanak važenje drugih propisa)**

Danom početka primjene ovog zakona prestaje da važi Odluka o utvrđivanju značajnih datuma na području Tuzlanskog kantona („Službene novine Tuzlanskog kantona“, br. 4/12, 2/13, 2/14 i 1/15).

Član 10.**(Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
Skupština
Broj: 01-02-178-18/16
Tuzla, 23.12.2016. godine

PREDSJEDNIK
Skupštine Tuzlanskog
kantona,
Senad Alić, v.r.